

EUSKAL PRESOAK. Larunbatean, 15:00retan, Ziburuko pilotalekutik Donibanera bitartean manifestazioa egingen da

Familiek presoak alboan edukitzeko eskubidea dutela aldarrikatuko dute

Iparaldeko 17 plataformak antolatu dute Euskal Herriratzearen aldeko manifestazioa

Hur Gorostiaga | DONIBANE-LOHIZUNE

Euskal presoak Euskal Herriratzearen aldeko Lapurdiko, Nafarroa Behereko eta Zuberoako 17 plataformek deiturik, arratsaldeko hiruretan abiatuko da manifestaldia Ziburuko (Lapurdi) pilotalekutik. Euskal preso-en familiek beren senide preso-en alboan edukitzeko duten eskubidea aldarrikatuko dute, eta egun Frantziak eta Espainiak beren legeak eta nazioartekoak errespetatzen ez dituztela salatuko dute.

«Presoek 1996. urtean hasi zituzten beren eskubideen aldeko protesta ekimenak. Geroztik Frantziak presoak gehiago urrundu eta sakabanatu ditu, garaian 11 presondegitan baitziren, eta egun 25 kartzelatan» azpimarratu zuen Txomin Etchebers Donibane-Ziburu-Urruña eskualdeko plataformako kideak. «Barreiatzea handituz, familien sufrimendua dute handitzen», azpimarratu zuen Etchebersek.

Gaur egun Ipar Euskal Herriko 400 hautetsi baino gehiagok, 34 auzapezek, CGT, ELB, LAB, CFDT, SAF, SUD sindikatuek eta LCR, EA, EAJ eta AB alderdiek preso-en Euskal Herriratzea galdegina dutela oroitarazi zuten, eta hiru probintzietan 20.000 sinaduratik goiti erdietsi

ELB

«Presoak urrunduta, beren familiak zigortzen dituzte, bidaia luze eta neketsuak egitera beharturik»

dutela. Jende guzti horiek larunbatean Ziburutik Donibanerako ibilaldian izateko dei egin zieten. Hain zuzen ere, Euskal Herriko Laborarien Batasunak (ELB) sakabanaketarekin «preso-en familiak zigortzen» direla azpimarratu zuen atzo, eta horrek ere manifestaziora joatea galdegin zuen.

Euskal Herria Zuzenean festibala antolatzen duen Piztu elkarteak ere preso-en urruntzeaz «legea hausten» dela adierazi du, eta familiek paraitzen dutenarekin elkartzasunez manifestaldira joateko dei egin zuen.

Ildo beretik, Donibane-Lohizuneko udal hauteskundeetarako zerrenda abertzale eta euskaltzalea prestatzen ari den Herri-Berri ekimenak «preso-en Euskal Herriratzea lehentasuna» dela azpimarratu du deialdian.

Atzo Serge Ospital, Paul Badiola eta Christian Sauve hautetsiek osaturiko ordezkari-



XOUSE SIMAL

Konpromiso Eguna egingo da bihar Bizkaiko campusetan, preso-en alde

Bizkaiko unibertsitate campusetan euskal preso-en eskubideen alde ari diren plataformek bat egin dute eta, *Euskal Herriak erabaki duela: Euskal presoak Euskal Herrira!* lelopean, Konpromiso Eguna iragarri dute biharko. Horren bitartez, «euskal presoak Euskal Herriratzea eta gaixo dauden edo euren zigorraren hiru laurdenak bete dituztenen askatasuna» eskatu nahi dute. Goizean sakabanaketaren inguruko hitzaldiak egingo dituzte, eta 11:00etan elkarretaratzea egingo da Ingeniaritza Eskolan. Egurdiko 12:00etan bi manifestazio egingo dira: bata Leioan eta bestea Sarrikon. Azken hori PPren egoitza aurrean amaituko da. Egitaraua arratsaldean osatuko da, Leioako campusean egingo den giza katearekin.

tza bat Donibane-Lohizuneko udaletxera joatekoa zela jakinarazi zuten plataformako kideek, larunbateko manifestaldiaren ondoren Michele Alliot-Marie auzapez diputatuak (RPR) plataformen eta familien ordezkaritza bat errezibi dezan.

Bestalde, larunbatean, Ajaccio, Morlaix eta Parisen ere, euskal presoek, bretoiek eta korsikarrek beren herrietara hurbiltzeko duten eskubidea aldarrikatzeko manifestaldiak egingen direla oroitarazi zuten senideek.

Arrospide, Blanco eta Mujika estraditatu dituzte Frantziak datorren astean

Santiago Arrospide, Serafin Blanco eta Nagore Mujika presoak hurrengo egunetan Espainiara estraditatu dituela adierazi zuen atzo Frantziako Gobernuak. Blanco hilaren 18an iritsiko da Madrilera, Arrospide 21ean, eta Mujika, berriz, 22an.

Euskal presoak kartzelatan egiten ari diren protestek aurrera jarraitzen dute

Espainiako eta Euskal Herriko kartzelatan euskal preso-en protestek aurrera jarraitzen dutela adierazi dute AABek. Hala, AABen arabera, Aranjuez eta Alcala-Mecoko espetxeetako euskal preso-en itxialdiek bere horretan jarraitzen dute, eta Espainiako Konstituzioaren aurkako ekintzak egin dituzte.

Ertzaintza Durangoko epaitegian eginiko kontzentrazioari oldartu izana salatu du AABek

Andoni Zengotitabengoa presoari elkartzasuna adierazteko atzo Durangoko epaitegian egin kontzentrazioari Ertzaintza oldartu zitzaioala salatu zuten atzo AABek.

LEKUKOTASUNA

Istorio bera 50 urte berantago

Donibane-Lohizuneko plataformako kideek euskal preso-en seme alabek urruntasunaren ondorio «bizi duten sufrimendua» azpimarratu zuten. Kepa Olaizolak orain 56 urte haurra zela aita Alemaniako kontzentrazio zelaietan preso zuela oroitarazi zuen. «Garaian nik egin nuen bezala, egun preso-en haurrek beren amari galdeginen diote, aita non dagoen. Eta amak, zailki esplikatuko dio, herritik ehundaka kilometrora atxikitzen dutela, legeek besterik badiote ere» adierazi zuen «50 urte berantago istorio bera errepikatzen» dela ohartarazteko. Jatorri sozial eta politiko ezberdinetako kideek osatzen duten euskal preso-en Euskal Herriratzearen aldeko plataformetako kideek «euskal preso-en Euskal Herriratzea, gaur egun Euskal Herriak bizi duen gatazka baretzeko neurri garrantzitsua» litzatekeela adierazi zuten. Manifestaldiaren bukaeran arrantza-untziek ere «bateginen» dutela adierazi zuten.

EUSKAL
hezkuntza sistema
larunbat honetan
BILBORA
NAZIONALA

manifestaldia

arratsaldeko 5:30etan, Jesusen Bihotzetik Arenalera

